



GARBITANIA ZERO ZABOR S.M.k

HERNANIKO ETA USURBILGO UDALERRIETAN SELEKTIBOKI JASOTAKO

BIO-HONDAKINEN TRANSFERENTZIA ZERBITZUA KONTRATATZEKO

ADMINISTRAZIO-KLAUSULA PARTIKULARREN AGIRIA

Aurkibidea

I. kapitulua.- XEDAPEN OROKORRAK	3
1.- KONTRATUAREN XEDEA.....	3
2.- LIZITAZIO ETA HAUTAKETA PROZEDURA ETA ERA	3
3.- KONTRATATZAILEAREN PROFILA	3
4.- KONTRATUAREN IRAUPENA.....	3
5.- KONTRATUAREN BALIO ZENBATETSIA	3
6.- LIZITAZIO PREZIOA	4
7.- ORDAINTZEKO ERA.....	4
8.- PREZIOEN BERRIKUSTEA	4
9.- BEHIN BETIKO BERMEA.....	4
10.- KONTRATUAREN ARAUBIDE JURIDIKOA ETA JURISDIKZIO ESKUDUNA	4
II. Kapitulua.- KONTRATAZIOA.....	5
11.- KONTRATATUA IZATEKO GAITASUN ETA KAUDIMENA.....	5
12.- DOKUMENTAZIOA ADMINISTRATIBOA ETA PROPOSAMENEN AURKEZPENA	6
13.- ESLEITZEKO IRIZPIDEAK.....	7
14.- ESKAINTZAK SAILKATZEA ETA KONTRATUA ESLEITZEA.....	8
15.- KONTRATUA FORMALIZATZEA	9
III. Kapitulua.- KONTRATUA GAUZATZEA	9
16.- KONTRATISTAREN BETEBEHAR OROKORRAK	9
17.- KONTRATISTAREN LAN-BETEBEHARRAK.....	9
18.- SEGURTASUNA ETA OSASUNA	10
19.- KONTRATISTAREN ERANTZUKIZUNA KONTRATUA GAUZATU BITARTEAN HIRUGARRENGOEI EGINDAKO KALTEENGATIK	10
20.- KONTRATUAREN ALDAKETAK	10
21.- EKIPAMENDUA ETA BALIABIDE PERTSONALAK	10
22.- BALIABIDE TEKNIKOAK	10
23.- LANEN KONTROLA.....	10
24.- LANAK ONARTZEA	10
25.- ZIGORRAK KONTRATISTARI KONTRATUA EZ BETETZEAGATIK	11
26.- KONTRATUA SUNTSIARAZTEKO ARRAZOIAK	11
27.- DATU PERTSONALAK BABESTEA	11
28.- KONTRATAZIO-ORGANOA.....	11



I. kapitulua.- XEDAPEN OROKORRAK

1.- KONTRATUAREN XEDEA

Kontratuaren xedea, agiri teknikoan jasotako irizpide eta lehiaketa prozesuaren ondoren esleituak aurkeztu eskaintzan jasotako xehetasunen oinarri hartuta, Garbitaniak Usurbilen eta Hernanin biltzen duen eta udalerri horietako garbiguneetan kokatuak dauden San Markoko mankomunitatearenak diren organikoaren kontainerrean bildutako organikoa jaso, San Markoko tolban hustu eta kontainer bakoitza berriro ere garbiguneetan hutsik birkokatzeko zerbitzuaren kontratazio gisa definitzen da.

Pleguek kontratu izaera izango dute.

2.- LIZITAZIO ETA HAUTAKETA PROZEDURA ETA ERA

Kontratuaren lizitazioa eta esleipena PUBLIZITATERIK GABE PROZEDURA NEGOZIATU BIDEZ egingo dira, 3/2011 Errege dekretu legegileko 174, e) artikuluan ezarritako kasua baita.

Eskaintzen eskaria gutxienez kontratatutak izan daitezkeen hiru enpresei luzatuko zaio.

3.- KONTRATATZAILEAREN PROFILA

Gardentasuna eta Garbitaniak duen kontratazio jardueraren inguruko informaziora sarbide publikoa erdiestearren, eta beste publizitate bideak erabiltzea kaltetu gabe, lehiatzaileek Garbitania Zero Zabor S.M.ren kontratazio profilera sarbidea izango dute honako helbide elektronikoan: www.garbitania.com

4.- KONTRATUAREN IRAUPENA

Asteroko lan bolumenari dagokionez, lizitazio honetan urteko Usurbildik 104 deskarga (52*2) eta Hernanitik 156 deskarga (52*3) aurreikusi dira. Deskarga horiek kontratua sinatzen denetik urte bateko epean astero zerbitzatuak izango direlarik.

Prozedura honetan biltzen den zerbitzu honek hasiera kontratua sinatu eta hurrengo egunean izango du eta urte beteko luzapena izango du.

Bilketaren maiztasuna udalerriko: plegu teknikoetan azaltzen den moduan burutu beharko da.

Kontratuaren amaieran, Garbitania Zero Zabor S.M.k horrela eskatuz gero eta gehienez urte beteko aldi batean (Administrazio Kontseiluak horrela onartuz gero), esleitu zerbitzua luzatzera behartuta legoke (1 urte), esleitu berri batek lan hauek burutzeko konpromisoa hartzen duen arte.

5.- KONTRATUAREN BALIO ZENBATETSIA

Kontratuan ezarritako lehen urtearen gehienezko balio zenbatetsia 17.680,00 €-koa da (HAMAZAZPI MILA SEIEHUN ETA LAUROGEI ERUO), horri BEZaren %10 gehituko ziolarik 1.768,00€ (MILA ZAZPIEHUN ETA HIRUROGEITA ZORTZI EURO). Luzapenaren urtearen gehienezko balio zenbatetsia 17.680,00 €-koa da (HAMAZAZPI MILA SEIEHUN ETA LAUROGEI ERUO), horri BEZaren %10 gehituko ziolarik



1.768,00€ (MILA ZAZPIEHUN ETA HIRUROGEITA ZORTZI EURO).

Beraz, orotara, bi urteen gehienezko balio zenbatetsia 35.360,00 €-koa da (HOGEITA HAMABOST MILA HIRUEHUN ETA HIRUROGEI EURO), honi %10eko BEZa gehituko zaiolarik 3.536,00 €, beraz guztira luzapena eta BEZa gehituz, gehienezko balio zenbatetsia 38.896,00€koa da (HOGEITA ZORTZI MILA ZORTZIEHUN ETA LAUROGEITA HAMASEI EURO). Formulatzaren diren eskaintza ekonomikoek ezingo dute zenbateko hori gainditu.

6.- LIZITAZIO PREZIOA

Kontratuan ezarritako gehienezko lizitazio prezioa 68,00€/bidaiako da (HIRUROGEITA ZORTZI EURO), honi %10eko BEZa gehituko zaio (6,80€ SEI EURO ETA LAUROGEI ZENTIMO). Beraz orotara lizitazio prezioa gehienez 74,80€/bidaiako (HIRUROGEITA HAMALAU EURO ETA LAUROGEI ZENTIMO/BIDAIKO) izango da. Formulatzaren diren eskaintza ekonomikoek ezingo dute zenbateko hori gainditu.

Prezioan kontratu honen xede diren lanak egitearen ondorioz sortuko diren gastu eta zerga guztiak sartuta daudela interpretatuko da.

7.- ORDAINTZEKO ERA

Ordainketa honela egingo da, dagokion faktura aldeztu aurretik aurkeztu eta onartuta:

- Hilero tona eta garraioen likidazioa egin ostean ordainketa legeak jasotako epeetan ordainduko dira, beti ere igorritako fakturaren data egunetik aurrera kontatuaz.

8.- PREZIOEN BERRIKUSTEA

Zerbitzuaren maiztasunean aldaketarik egongo balitz prezio unitarioa ez litzateke berrikusiko, aldiz, deskarga puntua 20km edo gorako desbideratzea egongo balitz (gora edo behera) prezio unitarioa berrikusi eta egokituko litzateke.

9.- BEHIN BETIKO BERMEA

Bere gain hartutako obligazioak beteko dituela bermatzeko, kontratuaren esleipenduna beharturik dago behin betiko bermea aurkeztera, esleitze-zenbatekoaren %5ekoa. (BEZ kanpo).

Berme hori aurkezteko epea hamar lanegunekoa izango da, errekerimendua hartu eta biharamunetik zenbatuta, eta 3/2011 Errege dekretu legegilearen 96. artikuluan ezarritako edozein bide erabiliz egin ahal izango da hori.

Bermea itzultzea, 3/2011 Errege dekretu legegilearen 102. artikuluan xedatutakoaren arabera egingo da, berme-epea amaitu ondoren (zerbitzua amaitu eta 1 hilabetera) eta esleipendunak bere kontratuzko betebeharrak guztiak bete ondoren.

10.- KONTRATUAREN ARAUBIDE JURIDIKOA ETA JURISDIKZIO ESKUDUNA

Kontratuaren prestaketari, esleipenari, ondorioei, betetzeari edo iraungitzeari lotutako edozein arazori dagokionez, jurisdikzio zibilean soilik jarri ahal izango da errekurtsua.

Horretaz gain, sinatutako kontratuen ondorioen, betearazpenaren eta iraungitzearen inguruan gerta litezkeen desadostasunak konpontzeko, arbitrajera jo ahal izango da, abenduaren 23ko 60/2003 Legearen xedapenen arabera.



II. Kapituluia.- KONTRATAZIOA

11.- KONTRATATUA IZATEKO GAITASUN ETA KAUDIMENA

Prozedura negoziatu honetan, aldeztu aurretik Garbitania Zero Zabor S.M.k gonbidaturiko, pertsona natural nahiz juridikoek parte har dezakete, espainiar nahiz atzerriarrek, jarduteko gaitasun osoa izan, kontratatzeko debekurik ez badute, eta ekonomia, finantza, tekniko eta lanbide-arloan beren kaudimena egiaztatzen badute.

1.- Enpresarien jarduteko gaitasun osoa honela ziurtatuko da

a) Enpresaburua pertsona juridikoa baldin bada, eraketa-eskritura edo agiria, estatutuak edo fundazio-egintza aurkeztuta, horietan beren jardura erregulatzen duten arauak agertzen badira, eta dagokion Erregistro Publikoan behar bezala inskribatuak egon behar dute (pertsona juridikoaren baitako erregistroan). Era berean Identifikazio Fiskalaren Zenbakia, ordezkariaren NANaren kopia eta ordezkari legea ari bada baita horretarako ahalorde askiatsia ere.

b) Enpresaburuak espainiarrak ez direnean baina bai Europako Erkidegoko kide diren estatuetako kideak, ezarrita dauden estatuko legeriaren arabera, dagokien Erregistroan inskribatuta daudela egiaztatu behar dute, edota zinpeko adierazpena edo ziurtagiri bat aurkeztuz, arauz ezarritakoaren arabera, Europar Erkidegoan aplikatu beharreko xedapenen arabera.

2.- Enpresaburuek, Azaroaren 14ko 3/2011 Erret deketu legeak onartutako eta Sektore Publikoko Kontratuen Legeak 60. Artikuluan jasotako kontratatzeko debekurik ez dutela ziurtatzeko bideak honako hauek izango dira:

a) Kontratatzeko debekuetan sartuta ez dagoela dioen aitorpena (II. eranskina). Aitorpen honetan indarrean dauden xedapenek ezarritako zerga-betebeharrak eta langileekiko betebeharrak (Gizarte Segurantzak) egunean dituen adierazpena ere sartuko da.

3.- Enpresaburuaren kaudimena

Ekonomia eta finantza-kaudimenaren justifikazioa 3/2011 Errege deketu legeak 75. artikuluan ezartzen duenaren arabera egingo da, ondorengo agiriak aurkeztuz:

a) Kontratuaren xedeak jasotzen duen zerbitzu motan eta gonbidapenean zehazten den zenbateko balioetsiaren balio bera (urtekoa) edo handiago duen urteko negozio bolumena.

4.- Enpresaburuaren kaudimen tekniko eta profesionala

Kaudimen tekniko eta profesionalaren justifikazioa 3/2011 Errege deketu legeak 78. artikuluan ezartzen duenaren arabera egingo da, ondorengo agiriak aurkeztuz:

- Kontratuaren xedean jasotzen den bio-hondakinaren kontainer bidezko garraioan azken bost urteetan egindako gutxienez lan baten deskribapena, hor sartuta lan horien zenbatekoa, datak eta horien hartzaile publiko eta pribatuak.



Baztertuta geratuko dira kontratuaren xedean zehazten diren egitekoak eginak dituztela egiaztatzen ez duten enpresen eskaintzak.

12.- DOKUMENTAZIOA ADMINISTRATIBOA ETA PROPOSAMENEN AURKEZPENEA

1.- Eskaintzaile bakoitzak proposamen bakarra aurkeztu ahal izango du. Enpresa elkartuek ezingo dute banakako proposamenik aurkeztu eta, hori egiten badute, ez zaizkie onartuko ez banakakoak eta ez elkar-tearenak.

2.- Proposamen guztiak dagokien sarrera erregistroko dokumentuarekin aurkeztuak izango dira (I eranskina).

3.- Proposamenak aurkezteko **epea gonbidapena jaso eta hurrengo egunetik hasita 15 egun naturaletara** amaituko da. Garbitania Zero Zabor S.M. sozietateko bulego nagusietan aurkeztu behar dira (Lastaola poligonoa 3- A12 eraikina – Ereñotzu Auzoa 20120- Hernani. Gipuzkoa), bertan sarrerari erregistroa emanaz.

4.-Enkante-eskaintzaileak bere proposamena postaz bidaltzen badu, Postetxean bidalketa egin duen eguna justifikatu behar du eta egun berean eskaintza bidali duela jakinarazi posta elektronikoz (kudeaketa@garbitania.com). Bi baldintza horiek ez baldin badira betetzen edo bidali izanaren berri ematen duen jakinarazpena proposamenak jasotzeko jarritako epea amaitu ostean jasotzen bada, eskaintza hori ez da onartuko.

Dena den, jarritako epea igaro eta hurrengo hamar egun naturalak igaro ostean ez bada proposamena jaso, orduan ez da kasu batean ere onartuko.

5.-Eskaintza baten aurkezpenak, enpresaburuarengandik Plegu honetan jasotako klausulen erabateko onarpena suposatzen du.

6.- Negoziazioan parte hartzeko eskaintzak ITXITAKO, HAUTAGAIK SINATUTAKO ETA JAKINARAZPENAK JASOTZEKO HELBIDEA ZEHAZTUTAKO BI GUTUN-AZAL ITXITAN aurkeztuko dira. Gutun azal hauetan, era berean, gutun-azalaren IZENDAPENA eta "Publizitaterik gabe negoziaturiko prozedura Garbitania Zero Zabor S.M.k Hernaniko eta Usurbilgo udalerrietan selektiboki jasotako bio-hondakinen transferentzia zerbitzua kontratatze" testua adieraziz. Gutun-azalen izendapena honakoa da:

- A GUTUN-AZALA: Dokumentazio administratiboa
- B GUTUN-AZALA: Eskaintza ekonomikoa eta dokumentazioa

Gutun-azalean sartutako dokumentuek orginalak edo indarrean legediaren arabera balioztatutako kopiak behar dute izan.

Gutun-azal bakoitzean, sartutako dokumentuen zerrenda zenbakituaz gain honako dokumentazioa aurkeztuko da:

A GUTUN-AZALA

- Administrazioarekin Kontratatzeke legeak ezarritako baldintzak betetzen dituenaren enkante-eskaintzailearen aitorpen arduratsua. IV. Eranskinean jasotako ereduaren baitan egingo da.



B GUTUN-AZALA

- Proposamen ekonomikoa Baldintza Agiri honen III.ERANSKIN gisa agertzen den ereduari estu atxiki beharko zaio. Agiri honetan kontsignaturiko prezioetan kontratu honek eragindako edo eragingo dituen gastu guztiak egon behar dute sartuta.
- Kontratazio mahaia negoziatzeko eremuan sartzen diren beste gainontzeko arloen balorazioa ahalbideratzen duten dokumentuak (arlo teknikoaren hobekuntzak). Lizitatzailerek aurkeztu beharreko Txosten Teknikoak ahalik eta gehien zehaztuko du nola gauzatu kontratu honen xede diren lanak:
 - Zerbitzua eskaintzeko ekipoaren deskribapena: ibilgailu mota eta langileak. (ikus plegu teknikoetako 3 eta 4. puntuak)
 - Bilketa egun eta ordutegia. (ikus plegu teknikoetako 3.4. puntua)
 - Esleipendunaren instalazio finkoetan edukiko diren erreserbako ibilgailuak eta ibilgailuen aberia nahiz programatutako geldialdietan zerbitzua zehaztutako egutegi eta ordutegian emateko aurreikusitako Jarraibideen Plana.
 - Zerbitzua hobeto deskribatzeko beharrezko datu guztiak.

13.- ESLEITZEKO IRIZPIDEAK

Kontratua esleitzeko oinarritzat hartuko diren irizpideak, garrantzi handienekotik txikienera zerrendatuta eta egozten zaien ponderazioaren arabera, honako hauek dira:

1.- Eskaintako prezioa 60 puntu.

Onarturiko proposamenei dagozkien eskaintza ekonomikoaren puntuazioa honela burutuko da:

- Eskaintzarik ekonomikoaren gehieneko puntuazioa izango luke (60 puntu)
- Lizitazioan jasotako prezioak zero puntu
- Gainontzeko eskaintzen puntuazioa aurreko bi baldintzen arabera sortutako proportzioaren arabera kalkulatuko dira.

Parte-hartzaileekin aipaturiko irizpide horiei buruz negoziatu daiteke, baita zentzu estuan kontratuaren xedari dagokion edozein alderdi ekonomiko, tekniko edo/eta logistikori buruz ere.

2.- Proposamen teknikoak: 40 puntu. (garbiketa ahalmena, gestioa, berrikuntzak.Hobekuntzak)

Isurketen aurrean garbiketa ahalmena	Ibilgailu propioa: 15puntu Ibilgailua alokeran: 5 puntu
Ezaugarri orokorren inguruko hobekuntzak	Kudeaketa eta zerbitzuan proposatutako hobekuntzak gehienez 10 punturaino baloratuko dira eta berauek Garbitaniako teknikoek baloratuko dituzte zerbitzuaren kalitatea kontutan hartuaz.

Matxura edo istripu kasuetan containerra ordezkatzeko ahalmena	Container propioa/ alokairuarengatik prezioa: Gehienez 15 puntu Containerra alokeran/ alokairuarengatik prezioa : Gehienez 5 puntu
--	---

14.- ESKAINTZAK SAILKATZEA ETA KONTRATUA ESLEITZEA

Egindako proposamenak ikusita eta, hala balegokio, parte-hartzaileekin beharrezko negoziazioak burututa, kontratazio mahaiak arrazoitutakoaren arabera, segida beherakorrean sailkatuko ditu aurkezturiko proposamenak, Baldintza Agiri honetan ezarritako esleitze-irizpideen arabera eta Garbitaniako Administrazio Kontseiluaren esku utziko ditu, berak hartuko baitu azken erabakia eta berak ezarriko baititu kontratuaren azken zehaztasunak.

Garbitaniako Administrazio Kontseiluak hartu erabakia, berak izendatutako pertsonak kudeatuko du. Pertsona honek, onuragarriena den eskaintza aurkeztu duen eskaintzaileari hamar laneguneko epea emango dio honako agiriak aurkez ditzan:

- Plegu hauetako 11. puntuan jasotako baldintzak betetzen dituela ziurtatzen duten dokumentuak.
- Zerga-betebeharrak eta Gizarte Segurantzarekikoak egunean dituela egiaztatzen dituen ziurtagiriak.
- Kontratua gauzatzera dedikatu edo atxikitza konprometitu den baliabideak benetan badituela ziurtatzen dutenak.
- Laneko arriskuen prebentzioari buruzko dokumentazioari dagokionez honakoak:
 - Enpresak hartu duen prebentzioaren antolaketa moduaren ziurtagiria
 - Lan arriskuen ebaluazioa, bere jarduerari dagokionez
 - Beraien lanpostuan aritzeko langileen mediku-gaitasun ziurtagiriak (osasun zaintza).
 - Langileek, egiten duten jarduerari buruzko beharrezko informazioa eta prestakuntza jaso dutela egiaztatzen duen ziurtagiria.
 - Langileen lanpostuen jardueretarako beharrezkoak diren Norbera Babesteko Ekipamenduen entrega ziurtagiria eta hauek erabiltzeko beharrezko informazioa eta prestakuntza jaso dutela egiaztatzen duen ziurtagiria.
 - Lanak egingo dituzten langileen zerrenda
 - Langileen TC2 eta TC2 kotizazio agiriak eta Gizarte Segurantzari kuotak ordaintzen direla ziurtatzen duten agiriak
- Erantzukizun zibileko polizaren kopia. Bere estaldura gutxienez 300.000 eurokoa izango delarik.
- Ibilgailuen seguruen kopia.
- Behar den kasuan enpresa elkartuaren eratzearen ziurtagiri legala
- Era berean EJZn kontratuak duen helburuari dagokion epigrafean alta emanda dagoela ziurtatu beharko du, horretarako alta edo azken erreziboaren aurkeztu beharko duelarik.
- Behin betiko bermea eratu duela egiaztatzen duen agiria.

- Deskribatutako hondakina garraiatzeko Eusko Jaurlaritzako Ingurumen eta Lurralde Politikako sailak Hondakin eta Lur kutsatuen 22/2011 Legean jasotako aktibitateak aurrera eramateko beharrezkoak diren baimen eta erregistroen jabetzan dagoela ziurtatzen duten agiria

Dokumentazio hori behar den epean jasoa bada esleitutzat emango da kontratua.

15.- KONTRATUA FORMALIZATZEA

Garbitaniako organo eskudunak esleipena egin eta hori jakinarazi ondoren, kontratua administrazio-dokumentuan formalizatu behar du. Esleipendunak gehienez ere hamabost laneguneko epean, kontratuaren sinatzea burutu behar du eta agiri hori aski titulu izango da edozein erregistro publikotara iristeko.

Kontratistari egozteko moduko arrazoiengatik kontratua ez bada formalizatzen aipaturiko epearen barruan, Garbitaniak suntsiaraztea erabaki dezake, baita behin betiko bermea bahitu edo konfiskatzea ere.

Kontratua formalizatzeko ekitaldi berean, kontratua izenpetzeaz gain, esleipendunak Administrazio Klausula Berezien Agiria eta Baldintza Teknikoen Agiria izenpetuko du, horrela agertuz baduela horien berri eta ados dagoela.

Kontratua formalizatzea ezinbesteko betebeharra izango da edozein ordainketa bideratzeko.

III. Kapitulua.- KONTRATUA GAUZATZEA

16.- KONTRATISTAREN BETEBEHAR OROKORRAK

1.- Kontratuaren esleipendun den pertsona, enpresa edo Enpresen Aldi Baterako Elkartea behartuta dago hitzartutako lanak ezarritako epeetan egitera.

2.- Lanak onarturiko Baldintza Agiriak, aplikatzekoa den araudi orokorra eta, nolana ere, kontrataturiko lanen izaerari dagozkion erregela teknikoak zorrotz beteta egin behar dira.

3.- Esleipenduna, egiten dituen lanen eta ematen dituen prestazio eta zerbitzuen kalitate teknikoaren erantzule izango da.

17.- KONTRATISTAREN LAN-BETEBEHARRAK

Lan arloan, gizarte-segurantzaren eta laneko segurtasun eta osasunaren arloan 31/1995 Legeak —azaroaren 8koak, Laneko Arriskuen Prebentzioari buruzkoak— araututa indarrean dauden xedapen guztiak bete behar ditu kontratistak, berea bakarrik izango delarik lan-istripuen inguruko erantzukizun osoa.

Kontratistak ez baditu betebeharrak hauek betetzen, Garbitaniak ez du inolako erantzukizunik izango.



18.- SEGURTASUNA ETA OSASUNA

Kontratuaren xede den zerbitzu-ematearen eremuan segurtasun eta osasunaren erantzulea kontratista denez, aplikatzekoak diren arau juridikoak eta teknikoak beteko ditu.

Garbitania Zero Zabor S.M.k eskubidea izango du prebentzio-arloan egokia iruditzen zaion dokumentazioa eskatzeko kontratuak irauten duen bitartean.

19.- KONTRATISTAREN ERANTZUKIZUNA KONTRATUA GAUZATU BITARTEAN HIRUGARRENGOEI EGINDAKO KALTEENGATIK

3/2011 Errege dekretu legegileak 214. artikuluan xedatutakoaren arabera, kontratista izango da kontratua gauzatzeko behar diren eragiketen ondorioz sortzen diren kalteen erantzulea.

20.- KONTRATUAREN ALDAKETAK

Garbitaniak kontratua aldatu ahal izango du, interes publikoagatik edo ustekabeko kausak sortzen direnean, eta kontratistak ez du inolako kalte-ordainetarako eskubiderik izango, betiere 3/2011 Errege dekretu legegileak 105etik 108 bitarteko artikuluetan ezartzen duenaren kalterik gabe.

Zerbitzuaren maiztasunean aldaketarik egongo balitz prezio unitarioa ez litzateke berrikusiko, aldiz, deskarga puntua 20km edo gorako desbideratzea egongo balitz (gora edo behera) prezio unitarioa berrikusi eta egokituko litzateke.

21.- EKIPAMENDUA ETA BALIABIDE PERTSONALAK

1.- Kontratistak proposaturiko tresneria eta baliabide pertsonalekin egin behar ditu lanak, une oro erantzunez lan horien martxan sortzen diren premiei.

2.- Lan, gizarte-segurantzak eta laneko segurtasun eta osasunaren arloan indarrean dauden xedapen guztiak bete behar ditu kontratistak, eta Garbitaniak ez du inolako erantzukizunik izango kontratistak ez baditu betetzen.

22.- BALIABIDE TEKNIKOAK

1.- Kontratistak bere proposamenean sartutako baliabide teknikoak ere jarri behar ditu eta, oro har, lanak ongi gauzatzeko beharrezko guztiak.

2.- Eskaintzan sartutako baliabide teknikoak ordeztzeko, Garbitaniak onespena eman behar dio, aurrez proposamen justifikatua aurkeztuta.

23.- LANEN KONTROLA

Lanak eta batez ere materialaren kalitate kontrolak Garbitaniako ekipo teknikoaren parte-hartzearekin egingo dira.

24.- LANAK ONARTZEA

1.- Kontratuaren xede den prestazioa amaitzen denetik gehienez ere 30 egun naturaleko epean bere onarpenaren egintza formal eta positiboa egingo da.

2.- Entregaturiko lanek ez badituzte onartzeko behar diren baldintzak betetzen, dagozkion aginduak emango zaizkio esleipendunari aurkitutako akatsak zuzen ditzan eta horretarako ezarritako epean bere obligazioak bete ditzan, eta agindu horiek bete



arte ez zaizkio lanak onartuko. Emandako epean ez baditu aginduak betetzen, kontratua deuseztatu egingo da eta fidantza galduko du.

25.- ZIGORRAK KONTRATISTARI KONTRATUA EZ BETETZEAGATIK

A) KONTRATUA GAUZATZEKO EPE OSOA

Kontratista, berari dagozkion arrazoiengatik, atzeratu egiten bada kontratua betetzeko zuen epe osoa betetzen, Garbitaniak kontratua suntsiaraztea erabaki dezake, kontratistak bermea galduko duelarik, edota eguneko zigorra ezar diezaioke kontratistari: 0,20 € kontratu-prezioaren 1.000 euro bakoitzeko.

Berandutzagatiko zigorrak kontratu-prezioaren %5eko multiplora iristen diren bakoitzean Garbitaniak ahalmena izango du erabakitzeko kontratua suntsiaraztea, kontratistak bermea galduko duelarik, edota zigor berriak ezarriz kontratua gauzatzen jarraitzea.

B) PRESTAZIOEN GAUZATZE PARTZIALA

Kontratistak, berari egotz dakizkiokeen arrazoiengatik, kontratuan zehazturiko prestazioen epe partzialak bete ez baditu, Garbitaniak kontratua suntsiaraztea erabaki dezake, kontratistak bermea galduko duelarik, edota zigorra jar dezake: kontratuaren prezio osoaren %10ekoa.

26.- KONTRATUA SUNTSIARAZTEKO ARRAZOIAK

Kontratua suntsiarazteko arrazoiak 3/2011 Errege dekreto legegileak , 223. eta 308. artikuluetan ezarritakoak dira.

27.- DATU PERTSONALAK BABESTEA

Kontratua betetzeko tratamendu automatizatua duten datu pertsonalak erabili behar baditu enpresa esleipendunak, hori abenduaren 13ko 15/1999 Lege Organikoak (datu pertsonalen babesari buruzkoak) ezarritakoa betez egingo da.

Kontratuari esker lortu dituen datu pertsonal automatizatuak Garbitaniak agindutakoaren arabera tratatuko ditu enpresa esleipendunak, eta ezingo ditu aplikatu edo erabili kontratuan agertzen den helbururako baizik, ezta laga ere beste pertsona batzuei, nahiz eta gordetzeko izan.

Enpresa esleipendunak, kontratuaren xedapenak bete gabe, beste helburu baterako bideratu, jakinarazi edo erabiltzen baditu datuak, horien tratamenduaren erantzuleztat joko da, eta horrela berak erantzun beharko du egin dituen lege-hausteei buruz.

28.- KONTRATAZIO-ORGANOAK

Kontratazio organoa Garbitania Zero Zabor S.M.ko Administrazio Kontseilua izango da.

Prozeduraren tramitazioa aurrera eramateko Kontratazio Mahaia ahalmentzen da, bere konposaketa kontratazio organoak berak izendatuko duelarik. Azterketa, aholkularitza, proposamen eta sostengu teknikoa Kontratazio Mahaia burutuko dutelarik.



EGINBIDEA.- Baldintza Agiri hau GARBITANIA ZERO ZABOR S.L.
Administrazio Kontseiluak onartu zuen, 2016ko martxoaren 17an egindako bilkuran.

Hernanin, 2016ko martxoaren 17an.

LEHENDAKARIA

GERENTEA



ERANSKINA:

I PROPOSAMENA ERREGISTROAN AURKEZTEKO MODELOA

.....jaunak/andereak,NAN zenbakidunak, bere izenean edo, horrela bada, enpresaren izenean eta ordez, (honek egoitza soziala.....(e)n eta CIF-IFK-zka. duelarik) eta helbide elektronikoa duenak zera

ADIERAZTEN DU:

..... egunean eta orduan, "Garbitania Zero Zabor S.M.k Hernaniko eta Usurbilgo udalerrietan selktiboki jasotako bio-hondakinen transferentzia zerbitzua kontratatzeko" abian jarri duen lehiaketan parte hartzeko proposamena jasotzen den 2 gutunak aurkeztu dituela.

Hernanin, 2016koen.....an.

Aurkezlearen sinadura



II KONTRATATZEKO DEBEKUAN SARTUTA EZ DAGOENAREN AITORPENA

(eredu honen aurkezpena derrigorrezkoa da).

..... jaunak/andereak, NAN zenbakidunak, bere izenean edo, (adierazi ordezkaritza mota: administrari bakarra, apoderatua...) , enpresaren izenean eta ordez, (honek egoitza soziala.....(e)n eta CIF-IFK-zka. duelarik) zera

ADIERAZTEN DU:

Bere erantzukizunpean adierazten duela berak ordezkatzen duen enpresa ez dagoela, indarrean dagoen legeriaren arabera, kontratuak egiteko debeku-kasuetan sartuta.

Bera eta ordezkatzen duen enpresa zerga eta Gizarte Segurantzak ezarritako betekizunetan egunera daudela.

Eta behar den tokian behar diren efektuak izan ditzan aitorpen ahu sinatzen duen 2016kon.....n.

Sinadura eta enpresaren zigilua



III PROPOSAMEN EKONOMIKOA-EREDUA

..... jaunak/andereak adinez nagusia,(e)n bizi
dena eta N.A.N-zka..... duena),
.....(r)en izenean eta ordez (honek
egoitza soziala.....(e)n eta CIF-IFK-zka.
..... duelarik) zera

ADIERAZTEN DU:

Lehenena.- Ezagutzen dituela GARBITANIA ZERO ZABOR S.M.K HERNANIKO ETA USURBILGO UDALERRIETAN SELKTIBOKI JASOTAKO BIO-HONDAKINEN TRANSFERETNZIA ZERBITZUA KONTRATATZEKO Administrazio-Klausula Partikularren eta Baldintza Teknikoen Agiriak.

Bigarrenena.- Bere erantzukizunpean adierazten duela berak ordezkatzeko duen enpresa ez dagoela, indarrean dagoen legeriaren arabera, kontratuak egiteko debeku-kasuetan sartuta, badituela behar hainbat gaitasun juridiko eta bitarteko aipaturiko lanak egiteko eta betetzen dituela kontratu honetarako eskatzen diren baldintza espezifikoak.

Hirugarrenena.- Esleipendun gertatuz gero, onarturiko Agirietako baldintza eta betebeharrei zorroztz jarraituz egingo dituela lanak.

Laugarrenena.- Aipaturiko lanak guztira prezio honetan egitera konprometitzen dela:

1)(letraz eta zenbakiz).....euro/bidaiako, gehi.....€, BEZaren %ari dagozkionak.

(Data eta sinadura)



IV.- AITORPEN ARDURATSURAKO EREDUA "A GUTUN-AZALA"

..... jaunak/andereak adinez nagusia,.....(e)n
jakinarazpenetarako helbidea duena eta N.A.N-zka
duenak,(r)en izenean eta ordezkari (honek
egoitza soziala.....(e)n eta CIF-IFK-zka.
..... duelarik), lehiaketan
parte hartzen duenak,ren aurrean

BERE ARDURAPEAN HONAKO HAU AITORTZEN DU:

LEHENENGOA.- Hernaniko eta Usurbilgo udalerrietan selektiboki jasotako bio-hondakinen transferentzia zerbitzua kontratatze prozesuan parte hartzeko asmoa duela.

BIGARRENA.- Hernaniko eta Usurbilgo udalerrietan selektiboki jasotako bio-hondakinen transferentzia zerbitzuaren esleipenduna izateko Sektore Publikoko Kontratuen Legeak 146. Artikuluko lehen atalean jasotako aurrezko baldintza guztiak betetzen ditudala, zehazki ondorengoak:

- Izaera juridikoa badudala eta behar den kasuan ordezkapenerako ahalmena dudala.
- Enpresa behar bezala klasifikatuta dagoela, edo bere kasuan, beharrezko kaudimen ekonomiko, finantziario, tekniko eta profesionalak ditudala.
- Azaroaren 14ko 3/2011 Errege deketu legeak onartutako eta Sektore Publikoko Kontratuen Legeak 60. Artikuluan jasotako kontratatze debekurik ez dudala ziurtatzen dut, eta zerga eta Gizarte Segurantzak ezarritako betekizunetan egunera daudela.
- Kontratuaren inguruan zuzenean edo zeharka sor litekeen edozein gorabeheretarako Espainian edozein mailako auzitegi eta epaitegien eskumenean jartzen garela adierazten dut, eta, atzerrian izan dezakedan foru jurisdikzionalari uko egiten diogula. (Atzerriko enpresen kasuan).

— Jakinarazpenak egiteko posta elektronikoaren helbideadela., (lehentasunezko bidea izango da).

HIRUGARRENA.- Esleipendun gisa proposatua izanez gero edo berau horrela eskatua izango balitz, aitorpen honen bigarren puntuan jasotzen diren baldintzak betetzen dituela adierazten duten dokumentuak aurkezteko konpromisoa hartzen duela.



Dagokion lekuan baliozkoa izan dadin, aitopen hau sinatzen dut

.....n, 201 ko,reann.

Aitortzailearen sinadura,,

Snta.: _____»